

佛說觀無量壽佛經講記 科判

劉宋西域三藏法師疆良耶舍 譯 道源法師 述

释道净 整理 校对 20240726 2 稿 qq 973451196 禁止商用篡改 法律責任必究

表 1: (1 表) 甲一、序分分二

(參考佛陀教育基金會版本校對)

科判		經文
經前玄談		
略釋經題		佛說觀無量壽佛經 劉宋西域三藏法師疆良耶舍 譯
正釋經文	甲一、序分分二	乙一、證信序 如是我聞：一時，佛在王舍城耆闍崛山中，與大比丘眾，千二百五十人俱。菩薩三萬二千，文殊師利法王子而為上首。 爾時王舍大城，有一太子，名阿闍世。隨順調達惡友之教，收執父王頻婆娑羅，幽閉置於七重室內，制諸群臣，一不得往。 國太夫人，名韋提希，恭敬大王，澡浴清淨，以酥蜜和麁，用塗其身。諸瓔珞中，盛葡萄漿，密以上王。爾時大王，食麁飲漿，求水漱口。漱口畢已，合掌恭敬，向耆闍崛山，遙禮世尊，而作是言：大目犍連，是吾親友，願興慈悲，授我八戒。時目犍連，如鷹隼飛，疾至王所。日日如是，授王八戒。世尊亦遣尊者富樓那，為王說法，如是時間，經三七日。王食麁蜜，得聞法故，顏色和悅。時阿闍世，問守門者，父王今者，猶存在耶？時守門人白言：大王！國太夫人，身塗麁蜜，瓔珞盛漿，持用上王。沙門目連，及富樓那，從空而來，為王說法，不可禁制。時阿闍世，聞此語已，怒其母曰：我母是賊，與賊為伴。沙門惡人，幻惑咒術，令此惡王，多日不死。即執利劍，欲害其母。時有一臣，名曰月光，聰明多智。及與耆婆，為王作禮，白言：大王！臣聞毗陀論經說：劫初以來，有諸惡王，貪國位故，殺害其父，一萬八千，未曾聞有無道害母。王今為此殺逆之事，汙刹利種，臣不忍聞！是旃陀羅，我等不宜覆住於此。時二大臣，說此語竟，以手按劍，卻行而退。時阿闍世，驚怖惶懼，告耆婆言：汝不為我耶？耆婆白言：大王！慎莫害母。王聞此語，懺悔求救，即便舍劍，止不害母。敕語內官，閉置深宮，不令復出。時韋提希，被幽閉已，愁憂憔悴。遙向耆闍崛山，為佛作禮，而作是言：如來世尊！在昔之時，恆遣阿難，來慰問我。我今愁憂，世尊威重，無由得見；願遣目連、尊者阿難，與我相見。作是語已，悲泣雨淚，遙向佛禮。未舉頭頃，爾時世尊，在耆闍崛山，知韋提希心之所念。即勅大目犍連，及以阿難，從空而來。佛從耆闍崛山沒，於王宮出。時韋提希，禮已舉頭，見世尊釋迦牟尼佛，身紫金色，坐百寶蓮華。目連侍左，阿難侍右。釋梵護世諸天，在虛空中，普雨天華，持用供養。時韋提希，見佛世尊，自絕瓔珞，舉身投地，號泣向佛。白言：世尊！我宿何罪，生此惡子？世尊復有何等因緣，與提婆達多，共為眷屬？唯願世尊，為我廣說無憂惱處，我當往生，不樂閻浮提濁惡世也。此濁惡處，地獄餓鬼畜生盈滿，多不善聚。願我未來，不聞惡聲，不見惡人。今向世尊，五體投地，求哀懺悔。唯願佛日，教我觀於清淨業處。
	乙二、發起序	

表 2-1：（7 表）甲二、正宗分分三

科判		經文
正釋經文	甲二、正宗分分三	乙一、明淨業
		乙二、辨妙觀分十六
		丙一、日觀
		丙二、水觀
		丙三、地觀

表 2-2：（7 表）甲二、正宗分分三

正釋經文	甲二、正宗分分三	乙二、辨妙觀分十六	丙四、樹觀	<p>佛告阿難及韋提希：地想成已，次觀寶樹。 觀寶樹者，一一觀之，作七重行樹想。 一一樹，高八千由旬，其諸寶樹，七寶華葉，無不具足。 一一華葉，作異寶色：瑠璃色中，出金色光；玻璃色中，出紅色光；碼碯色中，出砵磤光；砵磤色中，出綠真珠光；珊瑚琥珀，一切眾寶，以為映飾。 妙真珠網，彌覆樹上，一一樹上，有七重網； 一一網間，有五百億妙華宮殿，如梵王宮。 諸天童子，自然在中，一一童子，五百億釋迦毗楞伽摩尼，以為瓔珞。 其摩尼光，照百由旬，猶如和合百億日月，不可具名。 眾寶間錯，色中上者。此諸寶樹，行行相當，葉葉相次。 於眾葉間，生諸妙華，葉上自然有七寶果。 一一樹葉，縱廣正等二十五由旬。其葉千色，有百種畫，如天瓔珞。 有眾妙華，作閻浮檀金色，如旋火輪，宛轉葉間。湧生諸果，如帝釋瓶。 有大光明，化成幢旛無量寶蓋。 是寶蓋中，映現三千大千世界，一切佛事，十方佛國，亦於中現。 見此樹已，亦當次第一觀之。觀見樹莖枝葉華果，皆令分明。 是為樹想，名第四觀。</p>
			丙五、水想觀	<p>次當想水：欲想水者，極樂國土，有八池水。一一池水，七寶所成。 其寶柔軟，從如意珠王生，分為十四支。 一支，作七寶妙色。黃金為渠，渠下皆以雜色金剛，以為底沙。 一一水中，有六十億七寶蓮華。一一蓮華，團圓正等十二由旬。 其摩尼水，流注華間，尋樹上下。 其聲微妙，演說苦、空、無常、無我諸波羅蜜，復有讚歎諸佛相好者。 如意珠王，湧出金色微妙光明。 其光化為百寶色鳥，和鳴哀雅，常贊念佛、念法、念僧，是為八功德水想，名第五觀。</p>
			丙六、總觀	<p>眾寶國土，一一界上，有五百億寶樓。其樓閣中，有無量諸天，作天伎樂。 又有樂器，懸處虛空，如天寶幢，不鼓自鳴。 此眾音中，皆說念佛、念法、念比丘僧。 此想成已，名為麤見極樂世界寶樹、寶地、寶池，是為總觀想，名第六觀。 若見此者，除無量億劫極重惡業。命終之後，必生彼國。 作是觀者，名為正觀；若他觀者，名為邪觀。</p>
			丙七、華座觀	<p>佛告阿難及韋提希：諦聽！諦聽！ 善思念之，吾當為汝分別解說除苦惱法，汝等憶持，廣為大眾，分別解說。 說是語時，無量壽佛，住立空中。觀世音、大勢至，是二大士，侍立左右。 光明熾盛，不可具見。百千閻浮檀金色，不得為比。 時韋提希見無量壽佛已，接足作禮，白佛言： 世尊！我今因佛力故，得見無量壽佛及二菩薩，未來眾生，當云何觀無量壽佛及二菩薩？ 佛告韋提希：欲觀彼佛者，當起想念，於七寶地上，作蓮華想。 令其蓮華，一一葉上，作百寶色。有八萬四千脈，猶如天畫。 脈有八萬四千光，了了分明，皆令得見。華葉小者，縱廣二百五十由旬。 如是蓮華，具有八萬四千葉。一一葉間，有百億摩尼珠王，以為映飾。 一一摩尼珠，放千光明。其光如蓋，七寶合成，徧覆地上。 釋迦毗楞伽寶，以為其臺。 此蓮華臺，八萬金剛甄叔迦寶，梵摩尼寶，妙真珠網，以為校飾。 於其臺上，自然而有四柱寶幢。一一寶幢，如百千萬億須彌山。 幢上寶幔，如夜摩天宮。復有五百億微妙寶珠，以為映飾。 一一寶珠，有八萬四千光。一一光，作八萬四千異種金色。 一一金色，徧其寶土，處處變化，各作異相。 或為金剛臺，或作真珠網，或作雜華雲。於十方面，隨意變現，施作佛事。 是為華座想，名第七觀。</p>

表 2-3：（7 表）甲二、正宗分分三

正釋經文	甲二、正宗分分三	乙二、辨妙觀分十六	丙七、華座觀	<p>佛告阿難：如此妙華，是本法藏比丘願力所成。</p> <p>若慾念彼佛者，當先作此華座想。作此想時，不得雜觀。</p> <p>皆應一一觀之，一一葉、一一珠、一一光、一一臺、一一幢，皆令分明，如於鏡中，自見面像。</p> <p>此想成者，滅除五萬億劫生死之罪，必定當生極樂世界。</p> <p>作是觀者，名為正觀；若他觀者，名為邪觀。</p>
			丙八、佛菩薩像觀	<p>佛告阿難及韋提希：</p> <p>見此事已，次當想佛，所以者何？</p> <p>諸佛如來，是法界身，入一切眾生心想中，是故汝等心想佛時，是心即是三十二相，八十隨形好，是心作佛，是心是佛。</p> <p>諸佛正徧知海，從心想生，是故應當一心繫念，諦觀彼佛多陀阿伽度，阿羅訶，三藐三佛陀。</p> <p>想彼佛者，先當想象。</p> <p>閉目開目，見一寶像，如閻浮檀金色，坐彼華上。</p> <p>見像坐已，心眼得開，了了分明，見極樂國七寶莊嚴，寶地寶池，寶樹行列，諸天寶幔，彌覆其上。</p> <p>眾寶羅網，滿虛空中。見如此事，極令明瞭，如觀掌中。</p> <p>見此事已，復當更作一大蓮華，在佛左邊，如前蓮華，等無有異。</p> <p>復作一大蓮華，在佛右邊，想一觀世音菩薩像，坐左華座，亦作金色，如前無異。</p> <p>想一大勢至菩薩像，坐右華座。</p> <p>此想成時，佛菩薩像皆放光明，其光金色，照諸寶樹。</p> <p>一一樹下，亦有三蓮華。</p> <p>諸蓮華上，各有一佛二菩薩像，徧滿彼國。</p> <p>此想成時，行者當聞水流光明，及諸寶樹，鳧鴈鴛鴦，皆說妙法。</p> <p>出定入定，恆聞妙法。</p> <p>行者所聞，出定之時，憶持不捨，令與修多羅合。</p> <p>若不合者，名為妄想，若與合者，名為麤想見極樂世界。</p> <p>是為像想，名第八觀；</p> <p>作是觀者，除無量億劫生死之罪，于現身中，得念佛三昧。</p>
			丙九、佛身觀	<p>佛告阿難及韋提希：此想成已，次當更觀無量壽佛身相光明。</p> <p>阿難當知！無量壽佛，身如百千萬億夜摩天閻浮檀金色，佛身高六十萬億那由他恆河沙由旬。</p> <p>眉間白毫，右旋宛轉，如五須彌山。</p> <p>佛眼如四大海水，青白分明。身諸毛孔，演出光明，如須彌山。</p> <p>彼佛圓光，如百億三千大千世界。</p> <p>於圓光中，有百萬億那由他恆河沙化佛。</p> <p>一一化佛，亦有眾多無數化菩薩，以為侍者。無量壽佛，有八萬四千相。</p> <p>一一相中，各有八萬四千隨形好。一一好中，復有八萬四千光明。</p> <p>一一光明，徧照十方世界唵佛眾生，攝取不捨。</p> <p>其光相好，及與化佛，不可具說。但當憶想，令心眼見。</p> <p>見此事者，即見十方一切諸佛，以見諸佛故，名唵佛三昧。</p> <p>作是觀者，名觀一切佛身。</p> <p>以觀佛身故，亦見佛心。</p> <p>佛心者，大慈悲是。以無緣慈，攝諸眾生。</p> <p>作此觀者，捨身他世，生諸佛前，得無生忍；</p> <p>是故智者，應當繫心，諦觀無量壽佛。</p> <p>觀無量壽佛者，從一相好入，但觀眉間白毫，極令明瞭。</p> <p>見眉間白毫相者，八萬四千相好，自然當現。</p> <p>見無量壽佛者，即見十方無量諸佛。</p> <p>得見無量諸佛故，諸佛現前授記。</p> <p>是為徧觀一切色身相，名第九觀。</p> <p>作是觀者，名為正觀。若他觀者，名為邪觀。</p>

表 2-4：（7 表）甲二、正宗分分三

正釋經文	甲二、正宗分分三	乙二、辨妙觀分十六	<p>丙十、觀音觀</p> <p>佛告阿難及韋提希：見無量壽佛了了分明已，次亦應觀觀世音菩薩。此菩薩身長八十萬億那由他由旬，身紫金色，頂有肉髻，項有圓光，面各百千由旬。</p> <p>其圓光中，有五百化佛如釋迦牟尼；一一化佛，有五百化菩薩，無量諸天，以為侍者。</p> <p>舉身光中，五道眾生，一切色相，皆於中現。</p> <p>頂上毗楞伽摩尼寶以為天冠，其天冠中，有一立化佛，高二十五由旬。</p> <p>觀世音菩薩，面如閻浮檀金色，眉間毫相，備七寶色，流出八萬四千種光明，一一光明，有無量無數百千化佛，一一化佛，無數化菩薩以為侍者，變現自在，滿十方世界。</p> <p>臂如紅蓮華色，有八十億微妙光明，以為瓔珞，其瓔珞中，普現一切諸莊嚴事。</p> <p>手掌作五百億雜蓮華色，手十指端，一一指端，有八萬四千畫，猶如印文；一一畫，有八萬四千色；一一色，有八萬四千光，其光柔軟，普照一切，以此寶手，接引眾生。</p> <p>舉足時，足下有千輻輪相，自然化成五百億光明臺，下足時，有金剛摩尼華，佈散一切，莫不彌滿。</p> <p>其餘身相，眾好具足，如佛無異。唯頂上肉髻，及無見頂相，不及世尊。是為觀觀世音菩薩真實色身相，名第十觀。</p> <p>佛告阿難：若欲觀觀世音菩薩者，當作是觀。</p> <p>作是觀者，不遇諸禍，淨除業障，除無數劫生死之罪。</p> <p>如此菩薩，但聞其名，獲無量福，何況諦觀！</p> <p>若有欲觀觀世音菩薩者，先觀頂上肉髻，次觀天冠。</p> <p>其餘眾相，亦次第觀之，悉令明瞭，如觀掌中。</p> <p>作是觀者，名為正觀；若他觀者，名為邪觀。</p>
			<p>丙十一、勢至觀</p> <p>次觀大勢至菩薩，此菩薩身量大小，亦如觀世音。</p> <p>圓光面各百二十五由旬，照二百五十由旬。</p> <p>舉身光明，照十方國，作紫金色，有緣眾生，皆悉得見。</p> <p>但見此菩薩一毛孔光，即見十方無量諸佛淨妙光明，是故號此菩薩名無邊光。</p> <p>以智慧光，普照一切，令離三途，得無上力，是故號此菩薩名大勢至。</p> <p>此菩薩天冠，有五百寶華。一一寶華，有五百寶臺。</p> <p>一一臺中，十方諸佛淨妙國土廣長之相，皆於中現。</p> <p>頂上肉髻，如鉢頭摩華。</p> <p>於肉髻上，有一寶瓶，盛諸光明，普現佛事。</p> <p>餘諸身相，如觀世音，等無有異。此菩薩行時，十方世界，一切震動。</p> <p>當地動處，有五百億寶華。一一寶華，莊嚴高顯。如極樂世界。</p> <p>此菩薩坐時，七寶國土，一時動搖。</p> <p>從下方金光佛刹，乃至上方光明王佛刹。</p> <p>於其中間，無量塵數分身無量壽佛，分身觀世音、大勢至，皆悉雲集極樂國土，旻塞空中，坐蓮華座，演說妙法，度苦眾生。</p> <p>作此觀者，名為觀見大勢至菩薩，是為觀大勢至色身相。</p> <p>觀此菩薩者，名第十一觀，除無數劫阿僧祇生死之罪。</p> <p>作是觀者，不處胞胎，常遊諸佛淨妙國土。</p> <p>此觀成已，名為具足觀觀世音、大勢至。</p>
			<p>丙十二、普往生觀</p> <p>見此事時，當起自心生於西方極樂世界，於蓮華中，結跏趺坐，作蓮華合想，作蓮華開想。</p> <p>蓮華開時，有五百色光，來照身想。眼目開想，見佛菩薩滿虛空中。</p> <p>水鳥樹林，及與諸佛，所出音聲，皆演妙法，與十二部經合。</p> <p>若出定之時，憶持不失。</p> <p>見此事已，名見無量壽佛極樂世界。</p> <p>是為普觀想，名第十二觀。</p> <p>無量壽佛化身無數，與觀世音及大勢至，常來至此行人之所。</p>

表 2-5：(7 表) 甲二、正宗分分三

正釋經文	甲二、正宗分分三	乙二、辨妙觀分十六	丙十三、雜明佛菩薩觀	<p>佛告阿難及韋提希：若欲至心生西方者，先當觀於一丈六像，在池水上。如先所說無量壽佛，身量無邊，非是凡夫心力所及。然彼如來宿願力故，有憶想者，必得成就。但想佛像，得無量福，況復觀佛具足身相！阿彌陀佛，神通如意，於十方國，變現自在。或現大身，滿虛空中。或現小身，丈六八尺。所現之形，皆真金色。圓光化佛，及寶蓮華，如上所說。觀世音菩薩及大勢至，於一切處，身同眾生。但觀首相，知是觀世音，知是大勢至。此二菩薩，助阿彌陀佛普化一切。是為雜想觀，名第十三觀。</p>
			丙十四、上品生觀	<p>佛告阿難及韋提希：上品上生者，若有眾生，願生彼國者，發三種心，即便往生。何等為三？一者至誠心，二者深心，三者回向發願心。具三心者，必生彼國。復有三種眾生，當得往生，何等為三？一者慈心不殺，具諸戒行。二者讀誦大乘方等經典。三者修行六念，迴向發願，願生彼國。具此功德，一日乃至七日，即得往生。生彼國時，此人精進勇猛故，阿彌陀如來，與觀世音、大勢至，無數化佛，百千比丘，聲聞大眾，無量諸天，七寶宮殿。觀世音菩薩執金剛臺，與大勢至菩薩，至行者前，阿彌陀佛放大光明，照行者身，與諸菩薩授手迎接。觀世音、大勢至，與無數菩薩，讚歎行者，勸進其心。行者見已，歡喜踴躍。自見其身，乘金剛臺，隨從佛後，如彈指頃，往生彼國。生彼國已，見佛色身，眾相具足，見諸菩薩色相具足。光明寶林，演說妙法。聞已，即悟無生法忍。經須臾間，歷事諸佛，徧十方界，於諸佛前，次第受記。還至本國，得無量百千陀羅尼門，是名上品上生者。</p>
				<p>上品中生者，不必受持讀誦方等經典。善解義趣，於第一義，心不驚動。深信因果，不謗大乘。以此功德，迴向願求生極樂國。行此行者，命欲終時，阿彌陀佛，與觀世音、大勢至、無量大眾，眷屬圍繞，持紫金臺，至行者前，贊言：法子！汝行大乘，解第一義，是故我今來迎接汝。與千化佛，一時授手。行者自見坐紫金臺，合掌叉手，讚歎諸佛，如一念頃，即生彼國七寶池中。此紫金臺，如大寶華，經宿則開，行者身作紫磨金色，足下亦有七寶蓮華。佛及菩薩，俱時放光，照行者身。目即開明，因前宿習，普聞眾聲，純說甚深第一義諦。即下金臺，禮佛合掌，讚歎世尊。經於七日，應時即於阿耨多羅三藐三菩提，得不退轉。應時即能飛行徧至十方，歷事諸佛。於諸佛所，修諸三昧，經一小劫，得無生忍，現前授記，是名上品中生者。</p>
				<p>上品下生者，亦信因果，不謗大乘，但發無上道心。以此功德，迴向願求生極樂國。行者命欲終時，阿彌陀佛，及觀世音、大勢至，與諸菩薩，持金蓮華，化作五百佛，來迎此人。五百化佛，一時授手，贊言：法子！汝今清淨，發無上道心，我來迎汝。見此事時，即自見身坐金蓮華，坐已華合，隨世尊後，即得往生七寶池中。一日一夜，蓮華乃開。七日之中，乃得見佛。雖見佛身，於眾相好，心不明瞭。於三七日後，乃了了見。聞眾音聲，皆演妙法。遊歷十方，供養諸佛。於諸佛前，聞甚深法。經三小劫，得百法明門，住歡喜地。是名上品下生者。</p>
				是名上輩生想，名第十四觀。

表 2-6: (7 表) 甲二、正宗分分三

正釋經文	甲二、正宗分分三	乙二、辨妙觀分十六	丙十五、中品生觀	<p>佛告阿難及韋提希： 中品上生者，若有眾生，受持五戒，持八戒齋，修行諸戒，不造五逆，無眾過患，以此善根，迴向願求生於西方極樂世界。 臨命終時，阿彌陀佛，與諸比丘，眷屬圍繞，放金色光，至其所，演說苦、空、無常、無我，讚歎出家，得離眾苦。 行者見已，心大歡喜，自見己身，坐蓮華臺，長跪合掌，為佛作禮。 未舉頭頃，即得往生極樂世界。 蓮華尋開，當華敷時，聞眾音聲，讚歎四諦，應時即得阿羅漢道，三明六通，具八解脫，是名中品上生者。</p>
				<p>中品中生者，若有眾生，若一日一夜持八戒齋，若一日一夜持沙彌戒，若一日一夜持具足戒，威儀無缺。 以此功德，迴向願求生極樂國。 戒香薰修，如此行者，命欲終時，見阿彌陀佛，與諸眷屬，放金色光，持七寶蓮華，至行者前。 行者自聞空中有聲，贊言： 善男子！如汝善人，隨順三世諸佛教故，我來迎汝。 行者自見坐蓮華上，蓮華即合，生於西方極樂世界。 在寶池中，經於七日，蓮華乃敷。 華既敷已，開目合掌，讚歎世尊。 聞法歡喜，得須陀洹，經半劫已，成阿羅漢，是名中品中生者。</p>
				<p>中品下生者，若有善男子善女人，孝養父母，行世仁慈，此人命欲終時，遇善知識，為其廣說阿彌陀佛國土樂事，亦說法藏比丘四十八願，聞此事已，尋即命終。 譬如壯士屈伸臂頃，即生西方極樂世界，經七日已，遇觀世音及大勢至。 聞法歡喜，得須陀洹，過一小劫，成阿羅漢，是名中品下生者。</p>
				<p>是名中輩生想，名第十五觀。</p>
			丙十六、下品生觀	<p>佛告阿難及韋提希： 下品上生者，或有眾生，作眾惡業。 雖不誹謗方等經典，如此愚人，多造惡法，無有慚愧。 命欲終時，遇善知識，為說大乘十二部經首題名字。 以聞如是諸經名故，除卻千劫極重惡業。 智者復教合掌叉手，稱南無阿彌陀佛。 稱佛名故，除五十億劫生死之罪。 爾時彼佛，即遣化佛，化觀世音，化大勢至，至行者前，贊言： 善男子！以汝稱佛名故，諸罪消滅，我來迎汝。 作是語已，行者即見化佛光明，徧滿其室，見已歡喜，即便命終。 乘寶蓮華，隨化佛後，生寶池中，經七七日，蓮華乃敷。 當華敷時，大悲觀世音菩薩，及大勢至菩薩，放大光明，住其人前，為說甚深十二部經。 聞已信解，發無上道心。 經十小劫，具百法明門，得入初地，是名下品上生者。</p>
				<p>佛告阿難及韋提希： 下品中生者，或有眾生，毀犯五戒、八戒，及具足戒。 如此愚人，偷僧祇物，盜現前僧物，不淨說法，無有慚愧，以諸惡業而自莊嚴。 如此罪人，以惡業故，應墮地獄，命欲終時，地獄眾火，一時俱至。 遇善知識，以大慈悲，即為贊說阿彌陀佛十力威德，廣贊彼佛光明神力，亦贊戒、定、慧、解脫、解脫知見。 此人聞已，除八十億劫生死之罪。 地獄猛火，化為清涼風，吹諸天華。 華上皆有化佛菩薩，迎接此人。 如一念頃，即得往生七寶池中蓮華之內，經於六劫，蓮華乃敷。 觀世音、大勢至，以梵音聲，安慰彼人，為說大乘甚深經典。 聞此法已，應時即發無上道心，是名下品中生者。</p>

表 2-7: (7 表) 甲二、正宗分分三

正釋經文	甲二、正宗分分三	乙二、辨妙觀分十六	丙十六、下品生觀	佛告阿難及韋提希： 下品下生者，或有眾生，作不善業，五逆十惡，具諸不善。 如此愚人，以惡業故，應墮惡道，經歷多劫，受苦無窮。 如此愚人，臨命終時，遇善知識，種種安慰，為說妙法，教令唸佛， 彼人苦逼，不遑唸佛。 善友告言： 汝若不能念彼佛者，應稱無量壽佛。 如是至心令聲不絕，具足十念，稱南無阿彌陀佛。 稱佛名故，於念念中，除八十億劫生死之罪。 命終之時，見金蓮華，猶如日輪，住其人前。 如一念頃，即得往生極樂世界。 於蓮華中，滿十二大劫，蓮華方開。 觀世音、大勢至，以大悲音聲，為其廣說諸法實相，除滅罪法。 聞已歡喜，應時即發菩提之心，是名下品下生者。
				是名下輩生想，名第十六觀。
		乙三、彰利益	說是語時，韋提希與五百侍女，聞佛所說。 應時即見極樂世界廣長之相，得見佛身，及二菩薩。 心生歡喜，嘆未曾有，豁然大悟，逮無生忍。 五百侍女，發阿耨多羅三藐三菩提心，願生彼國。 世尊悉記，皆當往生，生彼國已，獲得諸佛現前三昧，無量諸天，發 無上道心。	

表 3: (1 表) 甲三、流通分分二

科判		經文	
正釋經文	甲三、流通分分二	乙一、王宮流通	<p>爾時阿難，即從座起，白佛言：</p> <p>世尊！當何名此經？</p> <p>此法之要，當云何受持？</p> <p>佛告阿難：</p> <p>此經名觀極樂國土，無量壽佛，觀世音菩薩，大勢至菩薩。</p> <p>亦名淨除業障，生諸佛前。</p> <p>汝當受持，無令忘失。</p> <p>行此三昧者，現身得見無量壽佛，及二大士。</p> <p>若善男子，及善女人，但聞佛名，二菩薩名，除無量劫生死之罪，何況憶念！</p> <p>若唸佛者，當知此人，即是人中分陀利華，觀世音菩薩，大勢至菩薩，為其勝友。</p> <p>當坐道場，生諸佛家。</p> <p>佛告阿難：汝好持是語。</p> <p>持是語者，則是持無量壽佛名。</p> <p>佛說此語時，尊者目犍連，尊者阿難及韋提希等，聞佛所說，皆大歡喜。</p>
			<p>爾時世尊，足步虛空，還耆闍崛山。</p> <p>爾時阿難，廣為大眾，說如上事。</p> <p>無量諸天、龍、夜叉，聞佛所說，皆大歡喜，禮佛而退。</p>
		乙二、鷲山流通	